

Powšitkowne WOZJEWJENJA

njedźelu, 27. oktobra 2024

Přiležnosć k swjatej spowědži w Róžeńće

póndźelu, 28. oktobra farar M. Anders, farar M. Nawka
17.00 – 18.00 hodź. pater dr. J. Müller

wutoru, 29. oktobra farar M. Anders, farar G. Nawka
18.30 – 19.30 hodź. kapłan P. Mróz, pater dr. J. Müller

Kóždu sobotu je do Božeje mše za lud a kraj, kotraž so
we 8 hodź. započina, přiležnosć k swjatej spowědži.

Pomocna akcija „Łužica pomha“

Towarstwo Cyrila a Metoda z.t. (TCM) chce tež lětsa ze swojej nazymskej akciju „Łužica pomha“ diecezanskemu zwjazkej Carity w pólskim Ełku zaso pomhać. Tam wjesela so nade wšěm, štož w swójbje trjebaš, kaž su to drasta, črije, artikle hygieny a kosmetika za žony a džeći, ale tež płokanski próšk, kuchinske graty abo pampersy za džeći runje tak kaž za dorosćenych. Wotedać hodža so dary – po móžnosći w měchach – scěhowace dny pola Špitankec w Zejicach, Kamjenska dróha 10: po pjatkomaj, 8. a 15. nowembra, stajnje wot 15.00 do 18.00 hodź. kaž tež sobotu, 9. nowembra, wot 9.00 do 12.00 hodź. a sobotu, 16. nowembra, wot 9.00 do 11.00 hodź. Štóž chcył akciju z pjenježnym darom podpěrać, njech přepokaza swój dar na konto Towarstwa Cyrila a Metoda z.t. (TCM): Cyrill-Methodius-Verein e.V., IBAN DE65 7509 0300 0008 2823 66, hesło: „Caritas“. Za dary hač do 300 eurow dosaha za financny zarjad mjeztym jako dopokaz kontowy wučah. Za wyše sumy wustaji TCM darowansku kwitowanku, trjeba pak dospołnu adresu, kotruž měli pak z mailku na TCM@Posol.de abo telefonisce pod (0 35 91) 55 02 10 zdžělić.

Serbske kemše w Drježdžanach

Drježdžanscy Serbja su na maćernorěčnu Božu mšu tutu njedźelu, 27. oktobra, w 16.00 hodź. do cyrkwje swjateho Antonija na Bünauskej 10 přeprošeni. Kemše swjeći farar Gabriš Nawka. Přizamknje so bjesada.

Literarna kofejownja

Přichodna literarna kofejownja w Budyskim ekumeniskim tachantskim wobchodže budže pjatk, 1. nowembra, we 18.30 hodź. Serbska spisowaćelka Měrana Cušcyna čita basnje a krótkoprodu z jeje knihi „innen bröckelt die unerhörte schicht“. Zastup je darmotny, wo dary proša.

Modlenje při kopolaku

Na modlenje swjateho rózowca při kopolaku za Hanku Šěrcec a na wopominanje wšěch přescěhanych su wěriwi sobotu, 9. nowembra, do Hórkow přeprošeni. Započatk je w 17.00 hodź. při Elic statoku na Chróšćanskej 17. Mjeztym džesać lět kopolak na dónt Hanki Šěrcec dopomina.

Podpěru za projekty prawje požadać

Norman Reitner z Drježdžanskeho biskopskeho ordinariata poskićuje na próstwu Towarstwa Cyrila a Metoda z.t. (TCM) kurs, kak móžeš projekty derje planować a k tomu na wšelakore wašnje pjenjezy požadać. Dalekubłanje na polu sponsoringa a fundraisinga wotměje so sobotu, 9. nowembra, wot 9.00 do 16.00 hodź. na „Radlubinje“ w Rablicach. Wobdźělic smě so maksimalnje 30 wosobow. By-li zajim wjetši był, by so TCM wo dalše zarjadowanje prócowało. Jědź a napoje budu přihotowane. Zajimcy – nimo člonow TCM su tež dalši přeprošeni – měli so online přizjewić. Link na to je pod www.posol.de podaty.

Wěrywuznaće w drjewje

Nowu wustajeńcu z wudźělkami Mikławša Dyrlicha z Noweje Wjeski pod titulom „Wěrywuznaće w drjewje“ wotewrje Budyska Serbska kulturna informacija (SKI) sobotu, 2. nowembra, w 15.00 hodź. w swoich rumnosćach na přizemju Serbskeho domu na Póstowym naměšće 2. K tomu zahraje dujerska kapała Horjany. Wšitcy su na wotewrjenje přeprošeni. Wustajeńca budže hač do kónca januara k wotewrjenskim časam SKI přistupna: wot pónđzele hač do pjatka, wot 10.00 do 16.30 hodź., wutoru a štwórtk hač do 18.00 hodź.

Hudźbny nyšpor w Baćonju

Na hudźbny nyšpor mjez druhim z twórbami serbskeju komponistow Jana Cyža a Ulricha Pogody su wěriwi do Baćońskeje cyrkwy Jězusoweje wutroby přeprošeni. Tón budže njeđzelu, 3. nowembra, w 14.00 hodź. Na piščelach hraje ze wsy pochadźacy organist Tomaš Žur a na saksofonje Gerold Gnausch. Mjeztym přednjese farar Gerat Warnar wšelake teksty a modlitwy.

Koncert wjacorych generacijow w jednym chórze

Zakónčacy koncert Budyskeje chóroweje akademije generacijow budže sobotu, 9. nowembra, w 17.00 hodź. w Budyskej Marije-Marćinej cyrkwi. Na njej wobdźěli so 57 spěwarjow 16 do 79 lět, mjez nimi tójšto Serbow. Na koncerće zaklinča mjez druhim twórby Jana Pawoła Nagela a Wolfganga Amadeusa Mozarta. Sopranistka je Romy Petrick, organist Johannes Kral. Cyłkowny nawod ma Friedemann Böhme. Zastup je darmotny. Wunošk zběrki je za syrotownju w ukrajskim Lwiwje postajena.

Pytaja přidatnu hladansku wosobu

Hornjołužiski zwjazk Carity pyta k najblišemu móžnemu terminaj za swoju Dnjowu hladarnju „Při Krabatowym puću“ we Worklecach přidatnu wosobu za hladanje a wobstaranje. Požadanja přijimuje nawodnica dnjoweje hladarnje Jěwa-Marja Šnajderowa pod adresu Při zelenišćach 5, 01920 Worklecy, abo z mejlku na e.schneider@caritasoberlausitz.de. Nadrobne wupisanje je pod www.posol.de wozjewjene.

Wosebitej koncertaj w Kulowje a Drježdžanach

Drježdžanski orchester Sinfonietta a tři wosadne chóry tamnišeje wosady swjateje Hilžbjety předstaja sobotu, 2. nowembra, w 17.00 hodź. w cyrkwi Jězusoweje wutroby w Drježdžanach a njeđzelu, 3. nowembra, w 16.00 hodź. w cyrkwi swjateje Marije donjebjeswzaća w Kulowje „Rekwiem c-moll“ italskeho komponista Luigija Cherubinija. Dirigować budžetaj čělesa regionalny kantor Stephan Thamm a Manuel Rotter. Wšitcy zajimcy su přeprošeni. Zastup je wobaj dnjej darmotny, wo dary proša.